

Aktuelnosti:

1. Održana radionica o izradi komunikacijskog plana Saveza
2. Potpisan ugovor za izradu LEAP-a
3. Nove mogućnosti privredne suradnje Općine Bihać sa italijanskim gradovima
4. Savez i GAP izdali Vodič za uspostavu trezorskog poslovanja u JLS
5. UNDP donira Savezu informatičku opremu
6. Susret načelnika Tuzle J. Imamovića sa načelnikom Daruvara
7. Dodatna radionica za VI. krug Beacon sheme
8. Održan info dan na temu EU programi – FP7, COST i EUREKA
9. REZ predstavio IPARD Program iz EU fondova
10. Obezbijeden fond za projekte mladih u vrijednosti od 318.194 KM
11. Načelnik Imamović primio u posjetu ambasadora Poljske u BiH
12. Održana radionica na temu upravljanje projektnim ciklusom
13. Konferencija o učešću u programima EU
14. Zakon o izmjenama i dopunama Zakona o prodaji stanova na kojima postoji stanarsko pravo
15. FMUP dostavilo Savezu na mišljenje nacrt Zakona o matičnim knjigama u FBIH
16. U Općini Jablanica potpisani ugovori sa korisnicima programa sufinansiranja zapošljavanja u 2011.

GLEDAJTE svake druge subote u 13:30 sati na Hayat TV – “Moje dvorište” dokumentarno informativnu emisiju o lokalnoj samoupravi.

Repriza je utorkom u 14:15

<http://vimeo.com/user5457690/videos>

ODRŽANA RADIONICA O IZRADI KOMUNIKACIJSKOG PLANA SAVEZA

ILIDŽA, 3. juni/lipanj – Savez općina i gradova Federacije Bosne i Hercegovine (SOGFBIH) u saradnji sa VNG-International, a kroz Projekat “Razvoj kapaciteta saveza lokalnih vlasti BiH” kojeg finansira Švedska razvojna agencija “Sida” organizovao je 1. i 2. juna/lipnja na Ilidži radionicu o temi “Razvoj i unapređenje info servisa Saveza općina i gradova Federacije BiH”, sa naglaskom na izradu komunikacijskog plana Saveza.

U radu su učestvovali predstavnici iz sedam općina i to: Ilidža, Centar Sarajevo, Breza, Čitluk, Hadžići, Cazin i Travnik. Glavni konsultant na radionici je bila gđa Sabina Durmo iz agencije Pristop.

Radionica je imala za cilj da razvije model za općine kako se se unaprijedi segment komunikacije i brže razmjene informacija na relaciji Savez – članice – Savez. Prijedlog za ovakvom radionicom i izradom ovakvog dokumenta proistekao je iz uočavanja nedovoljne uključenosti pojedinih općina u rad Saveza.

Ovaj dokument, u formi Preporuke bit će predstavljen Predsjedništvu Skupštine Saveza na njegovoj sljedećoj sjednici, 28. juna/lipnja, te nakon njegovog usvajanja bit će upućen svim članicama na postupanje.

POTPISAN UGOVOR ZA IZRADU LEAP-a



BOSANSKI PETROVAC, 03. juni/lipanj – Ugovor o izradi lokalnog akcionog plana za zaštitu životne sredine (LEAP), potpisali su načelnik Općine Bosanski Petrovac, Ermin Hajder i projektni službenik UNDP-a za LEAP, Slađan Bundalo.

Riječ je o još jednom projektu MDGF programa, koji će biti finansiran od strane UNDP-a, a koji će se realizovati

17. Održan okrugli sto o perspektivama i razvoju privrede na području Općine Vogošća
18. Sastanak direktorice FIPA-e sa načelnikom Općine Stari Grad
19. Održana 14. Sjednica Predsjedništva Saveza
20. Održana prva redovna sjednica novog saziva PDFP
21. Općine USK-a i Hrvatske kreiraju zajedničku turističku ponudu
22. Sastanak o nastavku aktivnosti na izgradnji regionalne sanitarne deponije
23. Održana 1. sjednica Komisije za lokalnu samoupravu PDFP
24. Ambasador Makedonije posjetio Općinu Goražde
25. NAJAVA: Objavljen javni poziv za projekte iz programa transnacionalne suradnje JIE
26. Svjetski dan zaštite životne sredine

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten proslijedite svim zainteresiranim u vašoj i susjednim općinama.

koristeći se Metodologijom participativnog procesa planiranja.

Općina Bosanski Petrovac je jedna od trideset izabranih općina u BiH kojoj će od strane UNDP-a biti pružena podrška pri izradi Lokalnog ekološkog akcionog plana. Budući da je Općina Bosanski Petrovac izradila Strategiju lokalnog razvoja, u kojoj se nalazi i segment okoliša, time je za ovu općinu već pola posla urađeno, istakla je Slađana Bundalo. U narednom periodu će se formirati tim koji će pristupiti izradi lokalnog akcionog plana u cilju očuvanja okoliša i razvoja energetske efikasnosti u Općini Bosanski Petrovac.

NOVE MOGUĆNOSTI PRIVREDNE SURADNJE BIHAĆA SA ITALIJANSKIM GRADOVIMA

BIHAĆ, 3. juni/lipanj – Na poziv predstavnika nekoliko renomiranih talijanskih kompanija, koje su zainteresirane za investiranje u BiH, općinski načelnik Albin Muslić, boravio je prije nekoliko dana u talijanskim gradovima Udine i Padova.

Tokom zvanične posjete, a u okviru programa koji su osmislili domaćini, načelnik Muslić je obišao više proizvodnih segmenata kompanija koje su evropski lideri u određenim oblastima.

Tako se susreo s Paolom Fantonijem, vlasnikom kompanije "Fantoni", inače jednim od istinskih lidera u proizvodnji namještaja i šireg spektra proizvoda od drveta i metala, s kojim je razgovarao o mogućnostima suradnje.

Tokom susreta Fantoni i Muslić su obišli proizvodne i prodajne kapacitete, te razmijenili mišljenje u vezi s više projektnih ideja. Načelnik Muslić sa suradnicima posjetio je kompanije IVM i CLF u Padovi koje su već niz godina na visokim pozicijama u proizvodnji brodova, kruzera, opreme za željeznice i drugih proizvoda od čelika.

Tokom razgovora s Lusijem Gentileom i i Albertom Valottom, predstavnicima ovih kompanija, naglašena je potreba privredne suradnje, u čemu Bihać ima jasne namjere i potencijale koje je načelnik Muslić predstavio svojim domaćinima.

Tokom ovog sastanka također je dogovoreno da se razgovori nastave u najskorije vrijeme, kao i uzvratna posjeta Bihaću, kako bi se na licu mjesta sagledale potrebe i uslovi za moguće ino-investicije ovih kompanija.



SAVEZ OPĆINA I GRADOVA FBiH I PROJEKAT UPRAVNE ODGOVORNOSTI (GAP) IZDALI VODIČ ZA USPOSTAVU TREZORA U JEDINICAMA LOKALNE SAMOUPRAVE

Savez općina i gradova FBiH i Projekat upravne odgovornosti (GAP) od 2005. godine zajedno provode aktivnost u raznim oblastima bitnim za unapređenje lokalne samouprave u Federaciji Bosne i Hercegovine.

Do sada je općinama upućen niz materijala vezanih za uvođenje trezorskog načina poslovanja u jedinicama lokalne samouprave u FBiH, čiji je cilj bio da se općinama i

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

033/ 216 502, 033/ 552 812

[Fax: 033/552 810, 033/ 552 811](#)

<http://www.sogfbih.ba>

<http://www.partnerstvogradova.ba/>

<http://www.nexpo.nalas.eu>

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDOVE:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

gradovima približi ova tematika i pojasne konkretne aktivnosti u procesu uvođenja trezora.

Nakon održanih radionica vezanih za uvođenje trezorskog poslovanja u martu/ožujku i aprilu/travnju 2011. godine, Savez općina i gradova FBiH u saradnji sa Projektom upravne odgovornosti (GAP) je izradio Vodič za uspostavljanje trezora, Smjernica za izradu registra budžetskih korisnika, te ažurirao niz ogledne dokumentacije neophodne za uvođenje trezorskog načina poslovanja na lokalnom nivou. Sve ove materijale Savez će dostaviti pomoćnicima načelnika za finansije na CD-ovima na kojem će se, osim pomenutog materijala, nalaziti i sva relevantna zakonska i podzakonska regulativa, a sve sa ciljem olakšanja procesa uvođenja trezorskog poslovanja u jedinicama lokalne samouprave.



UNDP DONIRA SAVEZU OPREMU ZA JEDINICU ZA OBUKU IZABRANIH ZVANIČNIKA U JLS

U skladu sa realizacijom aktivnosti na projektu „Sistem obuke za jedinice lokalne samouprave“, a na osnovu Strategije obuke za jedinice lokalne samouprave u Federaciji Bosne i Hercegovine koju je usvojilo Predsjedništvo Skupštine Saveza, u okviru Saveza općina i gradova Federacije Bosne i Hercegovine formirana je jedinica za obuku izabranih zvaničnika.

UNDP koji je nosilac projektnih aktivnosti, će donirati Savezu tehničku opremu za pomenutu jedinicu. Primopredaja tehničke opreme koja uključuje: kompjuter, laptop, printer, projektor, projekciono platno te fotoaparat će biti upriličena u prostorijama Saveza 10.06.2011. godine.



SUSRET NAČELNIKA OPĆINE TUZLA J. IMAMOVIĆA SA GRADONAČELNIKOM DARUVARA D. ROHLIKOM



TUZLA, 2. juni/lipanj – Načelnik Općine Tuzla Jasmin Imamović susreo se danas sa gradonačelnikom Daruvara Daliborom Rohlikom. Tom prilikom razmijenjena su iskustva i dogovoreno zajedničko konkuriranje projekata Tuzle i Daruvara prema fondovima Evropske unije (EU).

Istaknuto je i da će predstavnici ova dva grada u narednom periodu raditi na unapređenju političke, kulturne i privredne saradnje. Gradonačelnik Rohlik kazao je da očekuje u skorije vrijeme i konkretnije kontakte privrednika Daruvara i Tuzle.

"Mislim da imamo međusobnog potencijala, povijesnog, kulturnog, gospodarskog i

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmemed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelsmmed.com/>

http://eacea.ec.europa.eu/index_en.php

u jednom djelu turističkog. Željeli smo upoznati se i usporediti određene zajedniče interese, te zajedno nastupati prema EU fondovima, pretpristupnim ili strukturnim, koji će se Hrvatskoj kasnije otvarati. Kao maloj sredini sigurno je da će nam iskustvo Tuzle i načelnika Imamovića pomoći, a isto tako sva naša pozitivna iskustva pokušat ćemo prenijeti našim prijateljima u Tuzli. Očekujemo da će u okviru naše saradnje biti i razmjene gospodarstvenika, a mislim da se možemo umrežiti i u oblasti turizma", kazao je gradonačelnik Rohlik.

Načelnik Imamović je istakao da Tuzla već ima prijateljske gradove u Hrvatskoj, te se nada će i saradnja sa Daruvarom biti uspješna.

"Želja nam je da dobijemo sredstva kojima ćemo građanima Daruvara i Tuzle učiniti život udobnijim i boljim. Također, nastaviti ćemo privrednu, političku i kulturnu saradnju. Imali smo i sa drugim gradovima iz Republike Hrvatske saradnju i nemamo u vezi s tim nijedno negativno iskustvo. Raduje nas saradnja sa Daruvarom, ali i dosadašnja saradnja sa Osijekom, Rijekom, Šibenikom, Vukovarom i Zagrebom", istakao je načelnik Imamović.

VI KRUG BEACON SCHEME/RADIONICA

NAGRADNI FOND 48.000,00 KM

Program Beacon sheme u Bosni i Hercegovini započeo je u august/kolovozu 2005. godine kada su ga zvanično predstavili Misija OSCE-a u BiH i Vijeće Evrope, s ciljem prepoznavanja i promoviranja najboljih primjera iz prakse na općinskom nivou vlasti. Od 2005. godine ovaj program je zaživio kao sastavni dio procesa reforme lokalne uprave, a sticanje Beacon statusa prepoznato je i prihvaćeno kao prestižna nagrada među općinama koje konkurišu, općinskim službenicima, građanima kao i svim ostalim zainteresiranim stranama.

Šesti krug Beacon Sheme predstavlja treću godinu realiziranja ovog programa od strane domaćih vlasti i predstavlja novu priliku za podizanje standarda u lokalnoj upravi putem prepoznavanja i promoviranja najboljih primjera općinskih praksi.

Sa zvaničnim otvaranjem šestog kruga BiH Beacon sheme, nosioci projekta Federalno ministarstvo pravde, Ministarstvo uprave i lokalne samouprave RS, Brčko distrikt i savezi općina i gradova FBiH i RS pozivaju bosanskohercegovačke općine i gradove da uzmu učešće u programu Beacon sheme podnošenjem prijava za jednu od sljedeće tri teme:

- **Tema 1: Ekološki potencijali u funkciji lokalnog razvoja**
- **Tema 2: Kulturno nasljeđe u funkciji razvoja turizma i promocije lokalne zajednice**
- **Tema 3: Planiranje i usvajanje budžeta u lokalnoj zajednici**

Zbog velikog interesovanja općina za sudjelovanjem u ovom projektu održati će se dodatna radionica sa ciljem detaljnijeg informiranja o programu Beacon sheme, načinu popunjavanja prijavnog obrasca, temama i pogodnostima koje općine ostvaruju sticanjem Beacon statusa. Pozivamo Vas da delegirate osobu koja će biti zadužena da popunjava ovaj obrazac i prisustvuje radionici koja će se održati **07.06.2011. godine u Sarajevu** u prostorijama Saveza općina i gradova FBiH sa početkom u 11.00 sati.



Nagradni fond Beacon sheme za 2011. godinu iznosi 48.000,00 KM. Sredstva za ovu namjenu obezbijeđena su od Federalnog ministarstva pravde i Ministarstva uprave i lokalne samouprave Republike Srpske.

Kvalitet života građana BiH u velikoj je mjeri određen uslugama koje im nude njihove lokalne vlasti. Ovakvom ulogom, općine imaju odgovornost da članovima svojih lokalnih zajednica osiguraju pružanje javnih usluga na najbolji i najdjelotvorniji način. Putem prepoznavanja i promoviranja najboljih praksi na lokalnim nivoima vlasti, bh. Beacon pruža direktno podršku ovom procesu, i u posljednjih pet godina ovaj program je postao sastavni dio razvojnog procesa lokalne uprave.

ODRŽAN INFO DAN NA TEMU PROGRAMI EU – FP7, COST i EUREKA



MOSTAR, 02. juni/lipanj – Ministarstvo civilnih poslova BiH, uz podršku Austrijske razvojne agencije, a u suradnji s Vanjskotrgovinskom komorom BiH i Univerzitetom Džemal Bijedić, organiziralo je jučer u Mostaru info dan na temu "Programi Europske unije FP7, COST i EUREKA".

Po riječima savjetnice projekta koji se implementira pri Ministarstvu civilnih poslova BiH Dine Masnik-Čulahović, cilj je info dana predstaviti mogućnosti učešća u EU programima, finansijskim i pravnim pitanja te upoznati učesnike s NCP sustavom u BiH.

Ministarstvo civilnih poslova BiH daje potporu projektima bh. istraživača kroz programe Europske unije FP7, COST i EUREKA.

Što se tiče okvirnih programa FP7, postoje prijave za prijedloge projekta kako bi naši istraživači mogli da prijave projekte i da dobiju za njih potrebna finansijska sredstva, da se uvežu s partnerima Europske unije te da na osnovi toga kreiraju konzorcije koji bi vodili projekte, kazala je Čulahović.

U ovim programima se radi o istraživačkim projektima, istraživačko-znanstvenog karaktera iz svih oblasti, odnosno sva istraživanja su pokrivena tim programom.

Europska unija izdvojila je za okvirni program EP7 koji se bavi isključivo istraživanjem i znanstveno-tehnološkim razvojem 54 milijarde eura za razdoblje od 2007. do 2013 godine, bez postojanja nacionalne kvote za projekte.

Za financiranje mogu se prijaviti svi, s tim da prednost imaju zemlje članice EU-a i pridružene članice, među kojima je i naša zemlja.

Nema kvota, koliko god prijavimo projekta svi će biti financirani ako budu pozitivno ocjenjeni, istaknula je Čulahovićeva, dodavši kako BiH do sada sudjeluje u 87 projekta financiranih od starene EU-a.

Organizacijom ovakvih info dana poput današnjeg, mi pokušavamo da informiramo istraživačku zajednicu i istraživačke institucije, kao i sve one koji mogu prijaviti neke od projekta takve vrste, kazala je savjetnica Čulahović. Kroz programe FP7 financira se i mobilnost, tako da istraživači mogu otići u neku drugu europsku zemlju, odnosno da razvijaju svoj istraživački program negdje drugdje.

Na info danu prezentaciju su održali NCP-evi koji su imenovani od strane

REZ PREDSTAVIO IPARD PROGRAM IZ EU FONDOVA



SARAJEVO, 1. juni/lipanj – REZ Agencija, u saradnji sa projektom FARMA (USAID/Sida) i društvom za tehničku podršku GIZ, organizovala je danas predavanje/seminar na temu **"EU i predpristupni programi – IPARD"**.

IPARD je komponenta IPA

Programa koja je namijenjena poljoprivredi i ruralnom razvoju.

Bosni i Hercegovini će uskoro biti dostupni fondovi u okviru ovog programa, a već je počela i priprema IPARD sektorskih analiza u BiH, kao jedan od preduslova za korištenje sredstava IPA komponente za ruralni razvoj.

S obzirom da su poljoprivreda i ruralni razvoj jedan od strateških sektora razvoja regije Centralna BiH, potrebno je da se što kvalitetnije pripremimo za korištenje ovih fondova.

Predavanje na temu EU i predpristupni programi – IPARD, sa posebnim osvrtom na iskustva iz Hrvatske, je veoma korisno da bi se pravovremeno pripremili za korištenje EU fondova i prikupili potrebne informacije i korisna iskustva, poručuju iz REZ-a.

Prezentaciji su prisustvovali predstavnici općina, lokalnih razvornih agencija, preduzeća i zadruga sa područja regije Centralne BiH, SERDA-e i drugi uvaženi gosti.

OBEZBIJEĐEN FOND ZA PROJEKTE MLADIH U VRIJEDNOSTI OD 318.194 KM



SARAJEVO, 1. juni/lipanj – Fondacija Mozaik je uz podršku donatora, Američke agencije za međunarodni razvoj (USAID), Balkanskog fonda za demokratiju (BTD) i 17 općina, obezbijedila fond omladinskih banaka u vrijednosti od 318.194,69 KM.

Iz ovog fonda će se finansirati 193 projekata mladih iz općina Novi Grad, Kozarska Dubica, Srbac, Doboj Jug, Kotor Varoš, Gornji Vakuf – Uskoplje, Novi Travnik, Šipovo, Zavidovići, Žepče, Modriča, Mrkonjić Grad, Tešanj, Usora, Šekovići, Vukosavlje i Zvornik.

Ukupna vrijednost odobrenih projekata će, kroz mobilizaciju lokalnih resursa, iznositi 721.605,36 KM.

Neformalne grupe mladih su, nakon javnog poziva, prijedloge svojih projekata slali na odobrenje odborima Omladinske banke, koje u navedenim općinama također čine mladi, pripremljeni i educirani da vode program Omladinske banke.

Program ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava upravo projektima neformalnih grupa mladih.

U narednom periodu će biti održane ceremonije potpisivanja ugovora i uručenja čekova za 10 omladinskih banaka, odnosno 135 projekata mladih čiji je obezbijeđeni fond 225.648 KM, a ukupna vrijednost 520.695 KM. Ceremonije će se održavati u salama općina, prema sljedećim terminima: Novi Grad, 1. juna u 11.00 sati, Kozarska Dubica, 2. juna u 10.00 sati, Srbac, 3. juna u 10.00 sati, Doboj Jug, 6. juna u 10.00 sati, Kotor Varoš, 7. juna u 11.00 sati, Gornji Vakuf-Uskoplje, 8. juna u 12.00 sati, Novi Travnik, 9. juna u 10.00 sati, Šipovo, 10. juna u 13.00 sati, Zavidovići, 13. juna u 11.00 sati i Žepče, 14. juna u 11.00 sati.

Potpisivanju će prisustvovati načelnici općina, članovi Odbora Omladinske banke, članovi neformalnih grupa mladih i predstavnici Mozaik fondacije.

U sedam općina su u periodu od 26. do 31. maja 2011. godine bile upriličene ceremonije za 63 odobrena projekta ukupne vrijednosti 200.910,66 KM, uz obezbijeđeni fond od 92.510,66 KM.

NAČELNIK IMAMOVIĆ PRIMIO U POSJETU AMBASADORA POLJSKE U BIH



TUZLA, 31. maj/svibanj – Načelnik Općine Tuzla Jasmin Imamović primio je danas u posjetu ambasadora Republike Poljske u BiH Jerzy Chmielewskija.

Bilo je riječi o uspostavljanju bilateralne saradnje između Tuzle i Poljske, te o mogućnostima ulaganja ove prijateljske zemlje u privredu Tuzle.

"Sa Poljskom imamo samo pozitivna iskustva i

dobro je da se ta saradnja unaprijedi. Evo sada dogovaramo da se Tuzla veže za jedan od Poljskih gradova, pa da razmjenjujemo posjete, znanja, da stvorimo jednu prijateljsku mrežu jer mnogo je toga što nas veže", kazao je načelnik Imamović.

Ambasador Chmielewski je kazao da je ovo njegov prvi posjet Tuzli u funkciji ambasadora, te da je impresioniran preporodom koji je doživio grad posljednjih godina.

"Mislim da je Tuzla grad sa bogatom perspektivom. Nadajmo se da će se BiH pridružiti Europskoj uniji, a Poljska je spremna da pomogne u tom procesu. Što se tiče lokalne saradnje spremni smo da uspostavimo bilateralne veze između grada Tuzle i jednog od poljskih gradova koji bi bio zainteresovan za to. Spremni smo za dalja ulaganja u privredu i ekonomiju Tuzle, te da otvorimo kanale za razmjenu turista", istakao je ambasador Chmielewski.

ODRŽANA RADIONICA NA TEMU UPRAVLJANJE PROJEKTNIM CIKLUSOM

U Sarajevu su 17.-18.5.2011. godine i 31.5.-1.6.2011. godine održana dva od tri

dijela dvodnevnih specijalističkih seminara na temu upravljanja projektnim ciklusom za jedinice lokalne samouprave u okviru Projekta „Sistem obuke za jedinice lokalne samouprave“ čiji je implementator UNDP a jedan od partnera Savez općina i gradova Federacije Bosne i Hercegovine.

Seminari su usmjereni na praktičare iz jedinica lokalne samouprave koji rade na pripremi i provođenju projekata. Važno je naglasiti da su isti seminari organizovani i u Tesliću i Mostaru, za ukupno dvadeset jedinica lokalne samouprave u Bosni i Hercegovini.

Posebna vrijednost seminara je u tome da učesnici, pored upoznavanja sa procesom i elementima upravljanja projektnim ciklusom, rade na razvoju konkretne projektne ideje za općinu iz koje dolaze. Pauze između pojedinih dijelova seminara su iskorištene da učesnici seminara sa ostalim kolegama izrade projektni prijedlog u skladu sa identificiranim prioritetima svojih općina, a uz ograničenu tehničku pomoć koju elektronskim putem obezbijeduje izvođač. U okviru seminara razmatraju se i aktuelni i očekivani pozivi za dostavljanje prijedloga projekata u kontekstu EU IPA prekogranične saradnje.

Na seminaru u Sarajevu učestvuju predstavnici Općine Vareš, Općine Hadžići, Općine Goražde, Općine Višegrad, Općine Milići, Općine Pale, predstavnici Saveza općina i gradova Federacije Bosne i Hercegovine, te predstavnici Agencije za državnu službu.

Učesnici seminara u Sarajevu ocijenili su seminar kao jedan od najboljih i najinformativnijih seminara koji omogućuju praktičan rad i sticanje znanja o aktueloj temi, te su sigurni da će nakon završetka i trećeg dijela stečeno znanje prenijeti i implementirati.

U drugoj polovini godine planirano je izvođenje trećeg kruga seminara za dodatnih 25 jedinica lokalne samouprave.

Ukoliko ste zainteresirani da učestvujete na nekom od modula seminara možete se obratiti g-dinu Muameru Obarčaninu, službenika za obuku pri MTS projektu (UNDP) na mobarcanin@undp.ba

KONFERENCIJA O UČEŠĆU U PROGRAMIMA EU



SARAJEVO, 30. maj/svibanj – "Programi Zajednice/Evropske unije 2007 - 2013" naziv je konferencije koja je održana danas u Sarajevu u organizaciji Direkcije za evropske integracije (DEI) BiH i projekta "Podrška vladi BiH u procesu evropskih integracija i koordinacija pomoći Evropske zajednice - faza III".

Cilj konferencije je bio da se institucije u BiH informišu o pomenutim programima i mogućnostima koje se otvaraju učešćem u njima, kao jednom od instrumenata podrške BiH na putu ka evropskim integracijama.

Programi Evropske unije (EU) su posebni programi i fondovi u budžetu EU namijenjeni unapređenju saradnje država članica u različitim oblastima, a od 2003. godine i Samita EU u Solunu dostupni su i zemljama zapadnog Balkana, nakon što su prvobitno bili namijenjeni isključivo zemljama članicama EU.

Direktorica DEI BiH Nevenka Savić izjavila je pred početak konferencije da su programi EU značajni za BiH, prije svega, zbog činjenice da se njihovim korištenjem stiče više znanja i iskustva o politikama EU, te se izgrađuju domaći kapaciteti neophodni za naredne faze pristupanja naše zemlje EU.

"Bosna i Hercegovina je do sada pristupila 'Sedmom okvirnom programu za istraživanje i tehnološki razvoj (FP7)' i 'Kultura 2007 - 2013', a priprema se pristupanje u još tri programa - Program za medije, Program za preduzetnike i inovacijsko društvo, te Program 'Evropa za građane'.

Naša zemlja od ranije učestvuje i u programima obrazovanja "Tempus IV" i "Erasmus Mundus", koji se odnose na podršku reformi i modernizaciji visokog obrazovanja, odnosno unapređenje akademske saradnje i mobilnosti studenata.

Šef Sekcije operacija za ekonomski razvoj, prirodne resurse i infrastrukturu u Delegaciji EU u BiH Johann Hesse istaknuo je da je svrha današnjeg skupa pripremiti BiH ne samo sa ulazak u EU, već i za primjenu njenih programa.

Kako je kazao, zemlje kandidati za članstvo u EU ne moraju plaćati pune članarine za učešće u programima EU kao što je slučaj sa zemljama članicama, tako da su i BiH na raspolaganju pretpristupni (IPA) fondovi iz kojih se ti novčani iznosi plaćaju.

Između ostalih, u radu konferencije učestvovali su i predstavnici Ministarstva civilnih poslova BiH, te predstavnici Središnjeg državnog ureda za razvojnu strategiju i koordinaciju fondova EU Republike Hrvatske, koji su predstavili stečena iskustva i govorili o prednostima i poukama učešća Hrvatske u pomenutim programima.

ZAKON O IZMJENAMA I DOPUNAMA ZAKONA O PRODAJI STANOVA NA KOJIMA POSTOJI STANARSKO PRAVO

Savez općina i gradova Federacije Bosne i Hercegovine je 28.04.2010. godine (prije više od godinu dana) Federalnom ministarstvu prostornog uređenja dostavio mišljenje na Zakon o izmjenama i dopunama Zakona o prodaji stanova na kojima postoji stanarsko pravo, a povodom Presude Ustavnog suda Federacije Bosne i Hercegovine broj: U-3/09 od 15.12.2009. godine.



Na osnovu natpisa iz medija saznali smo da je 04.05.2011. godine na 6. sjednici Vlade Federacije Bosne i Hercegovine utvrđen Prijedlog zakona o izmjenama i dopunama Zakona o prodaji stanova na kojima postoji stanarsko pravo i da je isti u parlamentarnu proceduru upućen po hitnom postupku.

U vezi sa navedenim, Savez je 12.05.2011. godine Federalnom ministarstvu prostornog uređenja uputio dopis u kojem smo molili da nas obavijeste šta je učinjeno sa našim primjedbama i prijedlozima za usaglašavanje pomenutog Zakona, odnosno da li su iste uvrštene u tekst Prijedloga zakona o izmjenama i dopunama Zakona o prodaji stanova na kojima postoji stanarsko pravo.

Dana 24.05.2011. godine Federalno ministarstvo prostornog uređenja je Savezu dostavilo dopis u kojem nas obavještavaju da je ovo federalno ministarstvo

17.05.2011. godine Vladi Federacije BiH dostavilo prijedlog Zakona o izmjenama i dopunama Zakona o prodaji stanova na kojima postoji stanarsko pravo radi dostavljanja u parlamentarnu proceduru. U prilogu nam je dostavljen tekst prijedloga navedenog zakona koji smo članicama dostavili putem e-mail-a. Kako se vidi iz obrazloženja zakona naše prijedloge su djelimično uvažili i ugradili u tekst predloženih izmjena i dopuna zakona.

FEDERALNO MINISTARSTVO UNUTRAŠNJIH POSLOVA DOSTAVILO SAVEZU NA MIŠLJENJE NACRT ZAKONA O MATIČNIM KNJIGAMA U FEDERACIJI BiH

Dana 27.05.2011. godine, Federalno ministarstvo unutrašnjih poslova dostavilo je Savezu općina i gradova Federacije Bosne i Hercegovine nacrt Zakona o matičnim knjigama u Federaciji Bosne i Hercegovine radi davanja prijedloga i sugestija na isti. Savez je predmetni nacrt uputio svojim članicama. Federalno ministarstvo unutrašnjih poslova je također informisalo Savez da će u skladu sa Zaključkom Predstavničkog doma Parlamenta Federacije Bosne i Hercegovine biti održana Javna rasprava o nacrtu Zakona o matičnim knjigama u Federaciji Bosne i Hercegovine, te da će Savez o mjestu i datumu održavanja iste biti blagovremeno obaviješten.

POTPISANI UGOVORI SA KORISNICIMA PROGRAMA SUFINANSIRANJA ZAPOSŁJAVANJA U 2011.



JABLANICA, 25. maj/svibanj – Načelnik Općine Jablanica Salem Dedić potpisao je danas ugovore sa poslodavcima i fizičkim licima koja su korisnici Programa sufinansiranja zapošļavanja u 2011. godini. Implementacijom Programa sufinansiranja zapošļavanja biće zaposleno 60 lica kod poslodavaca i 12 lica po osnovu samozapošļavanja.

Sufinansiranje samozapošļavanja lica je u pojedinačnim iznosima od 5.000 KM, dok će 36 poslodavaca za svaku zaposlenu osobu dobiti iznos od 4.000 KM.

Program Poticaja zapošļavanja u 2011. godini donijelo je Općinsko vijeće Jablanica s ciljem da se omogući zapošļavanje lica prijavljenih na evidenciju nezaposlenih kod Biroa rada Jablanica.

Za Projekat su izdvojena budžetska bespovratna finansijska sredstva u iznosu od 300.000 KM.

ODRŽAN OKRUGLI STO O PERSPEKTIVAMA I RAZVOJU PRIVREDE NA PODRUČJU OPĆINE

VOGOŠĆA, 25. maj/svibanj – Općina Vogošća organizovala je danas okrugli sto o temi "Perspektive i razvoj privrede na području Općine Vogošća", s ciljem da vogošćanski privrednici i predstavnici javnog i političkog života Vogošće zajednički pokušaju odgovoriti na izazove budućeg razvoja privrede u ovoj sredini.

U radu okruglog stola učestvovali su i ministar privrede Kantona Sarajevo Rusmir Sendić, ministar finansija KS Muhamed Kozadra, kao i predsjednik Privredne komore KS Kemal Grebo.

Načelnik Općine Vogošća Edin Smajić i ministar Sendić istakli su u obraćanjima prisutnima neophodnost proaktivnog odnosa lokalne zajednice i njenog partnerskog odnosa sa privrednim sektorom.

Privrednici su iskoristili ovu priliku da iznesu svoje viđenje uzroka zbog kojih privreda nije razvijenija, kao i svoje ideje o tome kako bi se takvo stanje moglo prevazići.

SASTANAK DIREKTORICE FIPA-E S NAČELNIKOM OPĆINE STARI GRAD SARAJEVO



SARAJEVO, 23. maj/svibanj – Direktorica Agencije za unapređenje stranih investicija BiH (FIPA) Jelica Grujić, zajedno sa svojim saradnicima, sastala se danas sa načelnikom Općine Stari Grad Sarajevo Ibrahimom Hadžibajrić, kako bi se upoznali detaljnije o potencijalima ove općine, a koji bi mogli interesirati potencijalne strane investitore.

Na sastanku je, između ostalog, iskazana potreba za boljom

saradnjom između dvije institucije radi blagovremene razmjene informacija kako bi se što bolje promovirale investicijske mogućnosti.

Strani ulagači su u više navrata iskazali poseban interes za ulaganje u hotelske kapacitete na području ove općine, ali veoma često su postojale imovinsko-pravne nedorečenosti koje su blokirale realizaciju i veoma velikih projekata.

Za uspješnu realizaciju projekata neophodna je komunikacija i razmjena informacija, a FIPA će u okviru svojih nadležnosti pružiti svu stručnu i tehničku pomoć u predstavljanju projekata stranim investitorima i njihovoj budućoj realizaciji.

Potrebno je napomenuti da slijedeći svoje zadatke vezane za privlačenje i povećanje priliva stranih investicija u BiH i poticanje postojećih investitora u zemlji na dalja ulaganja i širenje poslovanja, FIPA je između ostalog pokrenula i saradnju s bh. općinama kako bi što bolje identificirala njihove investicijske potencijale i učinila ih dostupnim potencijalnim stranim investitorima.

Nakon što se projekti prikupe, FIPA će u skladu sa svojim mandatom te materijale iskoristiti kako bi informacije usmjerila ciljnim grupama zainteresovanih investitora, koristeći se svim dostupnim marketinškim alatima.

ODRŽANA 14. SJEDNICA PREDSJEDNIŠTVA SAVEZA



U Bosanskom Petrovcu je dana 19.05.2011. godine održana Četrnaesta sjednica Predsjedništva Skupštine Saveza općina i gradova Federacije Bosne i Hercegovine. Tokom sjedince članovi Predsjedništva su razmatrali i usvojili *Izveštaj o izvršenju finansijskog plana Saveza općina i gradova Federacije Bosne i Hercegovine za*

2010. godinu i Prijedlog Finansijskog plana Saveza općina i gradova Federacije Bosne i Hercegovine za 2011. godinu.

Nadalje, članovi Predsjedništva su usvojili prijedlog da se nacrt *Strategije razvoja Saveza općina i gradova Federacije Bosne i Hercegovine za 2011-2015. godinu* prosljedi svim članicama na razmatranje, te da Stručna služba Saveza pripremi konačan dokument za slijedeću sjednicu Skupštine Saveza koja će se održati u narednom periodu.

Na Dnevnom redu sjednice Predsjedništva razmatrano je i usvojeno devet inicijativa, i to: *Inicijativa Općine Stari Grad Sarajevo za formiranje Ministarstva za lokalnu samoupravu na nivou Federacije Bosne i Hercegovine; Inicijativa općine Tuzla za usklađivanje Zakona o koncesijama Tuzlanskog kantona sa Presudom Ustavnog suda Federacije Bosne i Hercegovine; Inicijativa Općine Tuzla za izmjene i dopune Zakona o plaćama i naknadama u organima vlasti Federacije Bosne i Hercegovine; Inicijativa općina Tuzla za donošenje kantonalnog Zakona o zaštiti od požara i vatrogastvu i o osnivanju Zajedničke profesionalne jedinice Tuzlanskog kantona; Inicijativa Općine Hercegovačko-neretvanske županije/kantona za izmjene i dopune Zakona o pripadnosti javnih prihoda Hercegovačko-neretvanske županije/kantona i Aranžmanu sa Međunarodnim monetarnim fondom; Inicijativa Općine Konjic za izmjenu Zakona o osnovnom odgoju i obrazovanju Hercegovačko-neretvanskog kantona; Inicijativa Općina Konjic za ocjena ustavnosti Zakona o osnovnom odgoju i obrazovanju Hercegovačko-neretvanskog kantona; Inicijativa Općine Travnik za ocjenu ustavnosti u vezi sa nedonošenjem Zakona o finansijskoj konsolidaciji javnih komunalnih preduzeća u Federaciji Bosne i Hercegovine, a u vezi sa kršenjem Zakona o principima lokalne samouprave u Federaciji Bosne i Hercegovine i Inicijativa Općine Čitluk o izmjeni Zakona o turističkim zajednicama i promicanju turizma u Federaciji Bosne i Hercegovine.*



Predsjedništvo je razmatralo i usvojilo prijedlog da se *Inicijativa Saveza opština i gradova Republike Srpske za izmjene Izbornog zakona Bosne i Hercegovine* podrži

uz amandman da se slijedeći lokalni izbori održe 2014. godine, kao i prijedlog da se stavi van snage *Zakon o zaštiti i dobrobiti životinja* dok se ne donesu podzakonski akti koji će omogućiti implementaciju zakona razmatraju na slijedećoj sjednici Koordinacionog tijela.

Nakon obimnog Dnevnog reda, prisutne je primio načelnik Općine Cazin, g-din Nermin Ogrišević, gdje su načelnici imali priliku da razmatraju aktuelna pitanja i probleme jedinica lokalne samouprave. Nakon sastanka g-din Ogrišević je upriličio posjetu Općini i prikladan svečani ručak.

ODRŽANA PRVA REDOVNA SJEDNICA NOVOG SAZIVA PREDSTAVNIČKOG DOMA PARLAMENTA FEDERACIJE BOSNE I HERCEGOVINE



Sarajevu je dana 18. i 19.05.2011. godine održana prva redovna sjednica novog saziva Predstavničkog doma Parlamenta FBiH na kojoj su, između ostalog, na dnevnom redu bili Prijedlog zakona o koncesijama u Federaciji Bosne i

Hercegovine, te Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine.

Donošenje oba zakona je prvobitno bilo predloženo po hitnom postupku. Nakon razmatranja istih, zastupnici su se izjasnili da ove zakone razmatraju u formi nacrt, te da budu upućeni u šezdesetodnevnu javnu raspravu.

Usvojen je zaključak da Nacrt zakona o izmjenama i dopunama Zakona o plaćama i naknadama u organima vlasti Federacije BiH bude upućen u javnu raspravu u kantonima, te po mogućnosti u općinama.

Istaknuto je, također, da ovaj nacrt zakona treba ostati otvoren za redefiniciju njegovih konceptualnih rješenja, u skladu sa sugestijama i primjedbama u parlamentarnoj raspravi.

Vlada Federacije BiH ovim izmjenama želi omogućiti kantonalnim vladama, odnosno općinskim načelnicima i gradonačelnicima, da utvrđuju osnovice za obračun plaća državnih službenika u dogovoru sa sindikatom, a u skladu sa svojim finansijskim mogućnostima.

Predloženim izmjenama naloženo je da osnovica u kantonima može biti niža do deset posto u odnosu na onu koja je utvrđena na nivou Federacije BiH, a u gradovima i općinama do 20 posto, dok ne može biti veća od one na federalnom nivou.

Predviđeno je, također, da kantoni, općine i gradove utvrde jednake isplatne koeficijente za ista radna mjesta, odnosno iste ili slične poslove.

Federalni ministar pravde Zoran Mikulić kazao je da će ovim izmjenama biti umanjene razlike u plaćama državnih službenika u kantonima, te da je Vlada za ovaj prijedlog imala podršku sindikata državnih službenika.

Oba nacrt zakona je Savez općina i gradova FBiH dostavio svojim članicama na komentare, prijedloge i sugestije kako bi Savez zauzeo jedinstven stav po istima.

Takođe, članicama je dostavljen i dopis u kome se traži mišljenje u vezi sa nedonošenjem Zakona o finansijskoj konsolidaciji javnih komunalnih preduzeća u FBiH, a koji je Općina Travnik uputila Ustavnom sudu FBiH sa zahtjevom na zaštitu prava na lokalnu samoupravu u vezu sa nedonošenjem ovog zakona.

OPĆINE USK-a I HRVATSKE KREIRAJU ZAJEDNIČKU TURISTIČKU PONUDU

18. maj/svibanj – Oživaljavanje prekograničnog partnerstva kroz ruralni razvoj jedan je od projekta koji za cilj ima kreiranje zajedničke turističke ponude Hrvatske i Bosne i Hercegovine na prekograničnom području.

Ponuda će biti bazirana na predstavljanju zajedničkog kulturnog i povijesnog nasljeđa u ruralnim područjima i sa jedne i druge strane granice.

Ovaj projekt podržan je iz programa IPA prekogranična suradnja BiH-Hrvatska sa iznosom od 172,536 eura, a u njega su uključene tri općine iz BiH i to Sanski Most, Bosanska Krupa i Bužim, a u Hrvatskoj Topusko, Gvozd, Vojnić i Krnjak.

Provode ga udruženje "Lokalna akciona grupa Una-Sana" (LAG) iz BiH i "Centri civilnih inicijativa" iz Hrvatske. Već od kraja prošle godine, nakon potpisivanja ugovora o financiranju, krenule su aktivnosti na uspostavljanju turističkih info centara u tri općine-Sanski Most, Bosanska Krupa i Gvozd. Sve aktivnosti kao nabavka opreme i zapošljavanje ljudi su pri kraju tako da je već krajem ovog mjeseca planirano njihovo službeno otvorenje, što se podudara i sa samim početkom turističke sezone.

Započeto je i vršenje selekcije pružatelja usluga u turizmu iz Hrvatske i BiH koji će proći i edukaciju za bavljenje ruralnim turizmom. Radit će i na formiranju baze podataka o resursima gdje će iz svake općine biti uvršteno po 20 resursa - od prirodnih ljepota, objekata, smještajnih kapaciteta i sl. koja će moći privući turiste na ovo područje.

Tokom dvije godine trajanja projekta očekuju da će objединiti turističku ponudu ruralnog područja, te da će se na ovom prekograničnom području uspostaviti veći broj farmi. Cilj je, nakon što se stvori baza podataka pružatelja usluga u ovom području, kreirati web stranicu na kojoj će biti predstavljena zajednička ponuda ove regije sa zajedničkim logom i ponudom.

SASTANAK O NASTAVKU AKTIVNOSTI NA IZGRADNJI REGIONALNE SANITARNE DEPONIJЕ



GORAŽDE, 18. maj/svibanj – U zgradi Općine Goražde danas je održan sastanak o nastavku aktivnosti na izgradnji regionalne sanitarne deponije koje će, nakon što je Općina Foča odustala od ovog projekta, provoditi tri općine iz Federacije BiH, Goražde, Pale-Prača i Foča-Ustikolina.

Sastanku su prisustvovali načelnici općina Goražde Muhamed Ramović, Pale-Prača Asim Zec i Foča-Ustikolina Zijad Kunovac, kao i predstavnici Federalnog ministarstva okoliša i turizma i direktor

Fonda za zaštitu okoliša Safet Harbinja.

S ciljem uključivanja Bosansko-podrinjskog kantona (BPK) u ovaj projekat, sastanku su također prisustvovali premijer Kantona Emir Frašto, ministar privrede BPK Demir Imamović i ministar za urbanizam BPK Božidar Semiz. Na sastanku je predstavljena hronologija aktivnosti u vezi sa pitanjem izgradnje regionalne sanitarne deponije, kreditom Svjetske banke (WB) i načinom finansiranja izgradnje deponije.

Naglašena je važnost rješavanja ovog problema i spremnost Federalnog ministarstva okoliša i turizma, Fonda za zaštitu okoliša i WB da podrže ovaj projekat, jer je riječ o specifičnoj regiji i pitanju koje se mora riješiti.

Na sastanku je zaključeno da Vlada BPK u narednih 10 dana razmotri sve relevantne informacije, izjasni se o ovom pitanju i načinu njegovog rješavanja.

Načelnik Općine Goražde Muhamed Ramović je kazao da je zadovoljan ishodom sastanka i da se nada dobroj saradnji sa Kantom i općinama u njegovom sastavu kada je u pitanju nastavak aktivnosti na ovom projektu, bez obzira da li se radi o regionalnoj ili kantonalnoj deponiji.

Sljedeći korak je formiranje zajedničkog preduzeća koje će aplicirati za veoma povoljna sredstva kod WB, sa grejs periodom od osam godina i rokom vraćanja od 20, uz minimalnu kamatu od 1,25 posto, a garanti kredita bi bili općine i BPK.

Predstavnici Federalnog ministarstva okoliša i turizma su naglasili da visina sredstava zavisi od veličine deponije, te da bi iznosila od dva do osam miliona eura. Načelnik Ramović je predložio da Općina Goražde i BPK budu suvlasnici preduzeća sa po 40 posto, a ostale dvije općine po 10 posto.

Konačan stav o ovom pitanju biće donesen u narednih 10 dana.

ODRŽANA 1. SJEDNICA KOMISIJE ZA LOKALNU SAMOUPRAVU PD PARLAMENTA FEDERACIJE BIH

SARAJEVO, 17. maj/svibanj – Komisija za lokalnu samoupravu Predstavničkog doma Parlamenta Federacije Bosne i Hercegovine je dana 17.05.2011. godine održala 1. sjednicu.

Na sjednici su razmatrani:

1. Operativni program rada Komisije
2. Prijedlog Zakona o koncesijama
3. Inicijativa Centra Civilnih Inicijativa (CCI) za izmjene i dopune Zakona o principima lokalne samouprave u Federaciji Bosne i Hercegovine

Sjednici Komisije su, osim predsjednika, sekretara i članova Komisije, prisustvovali i predstavnici Federalnog ministarstva prostornog uređenja, predsjednik Komisije za koncesije Federacije Bosne i Hercegovine, te predstavnici Saveza općina i gradova Federacije Bosne i Hercegovine.

Tokom rasprave o Prijedlogu Zakona o koncesijama, Komisija je konstatovala da su predstavnici Saveza učestvovali u njegovoj izradi, te da su njihove primjedbe ugrađene u tekst.

Komisiju je posebno zanimao stav Saveza u vezi sa Inicijativom CCI-a koja se odnosi na to da se određeni manji broj općinskih nadležnosti prenese na mjesne zajednice, jer smatraju da je sadašnji status mjesnih zajednica nefunkcionalan i da ga treba mijenjati.

Stavove u vezi sa navedenom inicijativom iznio je ovlašten predstavnik Saveza mr. sc. Selver Keleštura - sekretar Općine Zenica.

AMBASADOR MAKEDONIJE POSJETIO OPĆINU GORAŽDE

GORAŽDE, 17. maj/svibanj

– U sklopu trodnevne posjete Podrinju,

ambasador Makedonije u BiH Rami Redžepi posjetio je danas općinu Goražde.

Ambasador Redžepi, kojem je ovo prva zvanična posjeta Bosansko-podrinjskom kantonu (BPK), kazao je da je cilj današnje posjete



povezivanje BiH i Makedonije, te uspostava saradnje u oblasti privrede, kulture i sporta, ali i u drugim oblastima.

Ova posjeta predstavlja mogućnost da se Goražde, putem Ambasade Makedonije u BiH, poveže i bratimi sa makedonskim općinama.

Tokom sastanka razgovarano je i o potrebi izgradnje puta koji bi povezao BiH i Makedoniju.

Kako je kazao ambasador Redžepi, izgradnja autoputa između dvije zemlje bila bi strateški cilj Sarajeva i Skoplja.

On je istakao da bi autoput Skoplje-Priština-Peć-Pljevlja-Goražde-Sarajevo za više od 100 kilometara skratio trenutnu udaljenost dvije zemlje i doprinio privrednom razvoju, posebno Podrinja.

Tokom razgovora sa ambasadorom Redžepijem, pomoćnik načelnika Općine Goražde Sanid Zirak naglasio je da je ova općina uvijek otvorena za nove vidove saradnje i bratimljenja sa drugim općinama, te da će sigurno poduzeti neophodne korake s ciljem uspostavljanja saradnje i bratimljenja sa makedonskim općinama. On je ambasadora upoznao i sa aktivnostima na predstojećem Festivalu prijateljstva, te kazao da je to dobra prilika da se putem ambasade pozovu umjetnici i kulturni djelatnici iz Makedonije da učestvuju u ovogodišnjem programu festivala.

Na sastanku je razgovarano i o interesovanju privrednika iz Goražda za učešće na sajmovima privrede u Makedoniji.

Naglašeno je da će se ubuduće više pažnje posvetiti razmjeni međusobnih informacija s ciljem uspostavljanja konkretne saradnje, prvenstveno u privredi, ali i u drugim oblastima.

Ova posjeta ocijenjena je kao izuzetno uspješna, a dalji korak je uspostava konkretne saradnje i realizacija zajedničkih projekata.

Današnjem sastanku prisustvovali su i šefica Službe za finansije u Općini Goražde Enisa Lapo, predstavnici Privredne komore BPK i nekoliko lokalnih privrednika.

PREKOGRANIČNA SURADNJA: JAVNI POZIV ZA PROJEKTE IZ PROGRAMA TRANSNACIONALNE SURADNJE JIE

14. maj/svibanj – Prije nekoliko dana raspisan je treći strateški poziv za dostavu projektnih prijedloga u sklopu IPA komponente prekogranične suradnje - programa transnacionalne suradnje jugoistočna Europa (SEE).

Ovaj program koji uključuje 16 zemalja, ima za cilj razvoj transnacionalnih partnerskih odnosa u pitanjima od strateškog značaja kako bi se unaprijedio proces teritorijalne, ekonomske i društvene integracije i poboljšalo jedinstvo, stabilnost i konkurentnost regije.

Institucije iz naše zemlje mogu sudjelovati u strateškim projektima u svojstvu partnera iz tzv. zemalja kandidata i potencijalnih kandidata.

Na ovaj poziv se može aplicirati sa projektnim prijedlozima koji su vezani za teme kao što su podrška razvoju klastera gdje su prihvatljivi aplikanti institucije javnog sektora.

Također sa projektima vezanim za prilagođavanje klimatskim promjenama na koji se mogu prijaviti institucije nadležne za praćenje klimatskih promjena, poput hidrometeoroloških zavoda i institucije zadužene za kreiranje politika u domenu zaštite okoliša, poput ministarstava za zaštitu okoliša ili lokalnih vlada.

Kroz ovaj poziv bi mogli biti financirani projekti koji za cilj imaju umrežavanje gradova s ciljem povećanja mobilnosti ljudi u jugoistočnoj Europi te projekti koji se tiču demografskih promjena i pitanja migracija.

Rok za podnošenje projektnih prijedloga otvoren je do 17. juna/lipnja 2011. godine.

Važna novost koja se tiče ovog poziva je to što će se njegova implementacija odvijati u novom sistemu upravljanja, tzv. dijeljenom upravljanju, što znači da ne postoji posebna alokacija IPA sredstava za svaku zemlju što je bio slučaj u prethodnim pozivima, ili prioritet pojedinačno, te će najbolje ocijenjeni projekti biti financirani iz zajedničkog fonda IPA-e. Inače, IPA zemljama je, do kraja implementacije SEE programa, ukupno na raspolaganju 14,85 milijuna eura (alokacija IPA-e 2010-2013).

Više informacija na http://www.se-eu.net/en/downloads_section/calls/third_call/

PROSLAVIMO SVJETSKI DAN ZAŠTITE ŽIVOTNE SREDINE U ZAJEDNIČKOJ AKCIJI „DVORIŠTE BLISTA – SAVJEST ČISTA“

"Iako se pojedinačne odluke i akcije čine malim u odnosu na globalnu situaciju i probleme, kada milijarde ljudi udruže snage u zajednički cilj, možemo napraviti veliki pomak."

Ban Ki-Moon, generalni sekretar UN-a

Svjetski dan zaštite životne sredine je godišnja manifestacija čiji je cilj da promoviše pozitivno djelovanje u cilju zaštite životne sredine. Aktivnosti u okviru Svjetskog dana zaštite životne sredine odvijaju se tokom cijele godine, ali vrhunac dešavanja je 5. juni koji se obilježava u svim dijelovima svijeta.

Proslava Svjetskog dana zaštite životne sredine započela je 1972. godine i vremenom je postala jedna od glavnih platformi u okviru kojih UN potiče svijest o problemima životne sredine, ujedno pozivajući na svjetku pozornost i akciju.

Obilježavanje Svjetskog dana zaštite životne sredine je način da se pokaže kako pojedinačne akcije, kada se ujedine, postaju snaga pozitivnih promjena.

Tematske proslave Svjetskog dana zaštite životne su u do sada uključivale inicijative za zaštitu zemlje, vode, ozonskog omotača, sprječavanje nepovoljnih klimatskih promjena, širenje pustinja i podršku održivom razvoju. Proslave širom svijeta uključuju ulične skupove, biciklističke trke, koncerte sa pozitivnim porukama o zaštiti okoliša, sadnju drveća, recikliranje, kampanje čišćenja i još mnogo toga.

Ovaj dan spaja ljude iz svih slojeva društva u zajedničkom nastojanju da svoju okolinu učine čistijom, zelenijom, i ljepšom, kako za sebe, tako i za buduća pokoljenja. Svi smo podjednako važni u ovoj inicijativi, i obilježavanje ovog dana je i moguće zbog učešća svih nas.

Tema ovogodišnje proslave Svjetskog dana zaštite životne sredine u skladu je sa UNovom *Međunarodnom godinom šuma*, a pod sloganom *Šume: Priroda na usluzi*, koja naglašava bitne vrijednosti šuma koje omogućavaju razvoj života na zemlji, stavljajući u prvi plan vezu između kvaliteta života i zdravlja šumskog ekosistema. Sadašnjost i budućnost sedam milijardi ljudi na zemlji zavise od očuvanja i obnove svjetskih šuma. Zbog toga, na Svjetski dan zaštite životne sredine, odlučimo da učinimo sve što je u našoj moći kako bismo i dalje osigurali da uživamo u mogućnostima i ljepotama koje šume pružaju nama i budućim generacijama.

Zašto slaviti Svjetski dan zaštite životne sredine?

Kada vidimo ili iskusimo negativne posljedice klimatskih promjena i uništavanja životne sredine, lako je kriviti druge – kako vlade za loše politike zaštite životne sredine, tako korporacije zbog čijeg rada se svakodnevno uvećava emisija stakleničkih gasova, ali i nevladine organizacije za nedovoljno snažno lobiranje, kao i pojedince koji ne preduzimaju nikakve akcije za zaštitu žokoliša. Svjetski dan zaštite životne sredine, bi trebao biti dana, kada po strani stavljamo sve naše razlike i ujedinjujemo se u zajedničkom nastojanju da planetu Zemlju učinimo zdravijim, čistijim i boljim mjestom za život.

Slaveći Svjetski dan zaštite životne sredine, podsjećamo sebe i druge o važnosti brige za naše okruženje. Zapamtite da je svaka akcija podjednako važna, zato nam se pridružite u našoj inicijativi **„Dvorište blista – savjest čista“**, kojom UNDP i druge UN agencije u BiH, u saradnji sa Savezom općina i gradova Federacije BiH, Savezom opština i gradova RS i nadležnim ministarstvima, obilježavaju 05. juni/lipanj, Svjetski dan zaštite životne sredine i pozivaju sve lokalne samouprave, organizacije civilnog društva, volontere i aktiviste da se uključe **čišćenjem parkova, trgova, igrališta, dvorišta i škola**.

Učinimo zajedno našu životnu sredinu blistavom!
